



Disposiziun dal departament

Scolas popularas dal Grischun tudestg e rumantsch inclusiv dal Puschlav e da la Bregaglia: Fixaziun dal cumenzament da l'onn da scola sco er da las vacanzas d'atun e da Nadal per ils onns da scola 2026/27, 2027/28, 2028/29 e 2029/30

Tenor l'art. 24 al. 2 e 3 da la Lescha davart las scolas popularas dal chantun Grischun (Lescha da scola; DG 421.000) fixescha il Departament d'educaziun, cultura e protecziun da l'ambient (DECA) il cumenzament da l'onn da scola sco er las vacanzas d'atun e da Nadal, quai en coordinaziun cun auters chantuns. Las ulteriuras vacanzas vegnan fixadas da las instituziuns ch'èn responsablas per la scola. En quest connex stoi vegnir constatà, ch'i vegn examinà a chaschun da la proxima revisiun parziala da la Lescha da scola, sche la cumpetenza da fixar las vacanzas d'atun duai da nov vegnir surdada a las instituziuns ch'èn responsablas per la scola. Per quest motiv exprima il DECA ina reserva concernent las datas da las vacanzas d'atun menziunadas qua sutvart. Las instituziuns ch'èn responsablas per la scola vegnan suppligadas d'accordar ordavant las datas da las vacanzas d'atun.

Cun metter en vigur il Plan d'instrucziun 21 GR (conclus da la Regenza dals 15 da mars 2016 [prot. nr. 246/2016]) è entrà en vigur er l'art. 24 al. 1 da la Lescha da scola. Il dumber da las emnas da scola è s'augmentà da 38 a 39.

Sin basa da l'art. 22 da l'Ordinaziun tar la Lescha da scola (Ordinaziun da scola; DG 421.010) han las instituziuns ch'èn responsablas per la scola la pussaivladad da declarar occurrenzas da scola spezialas, sco per exempel las festivitats da Nadal, sco obligatorias er durant suentermezdis libers u durant sondas. Tenor l'art. 28 da la Lescha da scola pon las instituziuns ch'èn responsablas per la scola plinavant er conceder congedis individuals, sch'ellas vulan dispensar singulas scolaras e singuls scolars en cas motivads da la participaziun a las occurrenzas declaradas sco obligatorias u da l'instrucziun en scola.

Sa basond sin l'art. 24 da la Lescha da scola

dispona il Departament d'educaziun, cultura e protecziun da l'ambient:

1. Il cumenzament da l'onn da scola sco er las vacanzas d'atun e da Nadal per ils onns da scola 2026/27, 2027/28, 2028/29 e 2029/30 vegnan fixads per il Gri-schun tudestg e rumantsch sco er per il Puschlav e per la Bregaglia sco suonda:

Onn da scola 2026/27 (39 emnas da scola)

<i>Cumenzament da l'onn da scola:</i>	Glindesdi, ils 17 d'avust 2026
<i>Vacanzas d'atun:</i> Cumenzament Fin	Sonda, ils 10 d'october 2026 Dumengia, ils 25 d'october 2026
<i>Vacanzas da Nadal:</i> Cumenzament Fin	Mesemna, ils 23 da december 2026 Mardi, ils 5 da schaner 2027

Onn da scola 2027/28 (39 emnas da scola)

<i>Cumenzament da l'onn da scola:</i>	Glindesdi, ils 16 d'avust 2027
<i>Vacanzas d'atun:</i> Cumenzament Fin	Sonda, ils 9 d'october 2027 Dumengia, ils 24 d'october 2027
<i>Vacanzas da Nadal:</i> Cumenzament Fin	Gievgia, ils 23 da december 2027 Mesemna, ils 5 da schaner 2028


Onn da scola 2028/29 (39 emnas da scola)

<i>Cumenzament da l'onn da scola:</i>	Glindesdi, ils 14 d'avust 2028
<i>Vacanzas d'atun:</i> Cumenzament Fin	Sonda, ils 7 d'october 2028 Dumengia, ils 22 d'october 2028
<i>Vacanzas da Nadal:</i> Cumenzament Fin	Sonda, ils 23 da december 2028 Dumengia, ils 7 da schaner 2029

Onn da scola 2029/30 (39 emnas da scola)

<i>Cumenzament da l'onn da scola:</i>	Glindesdi, ils 13 d'avust 2029
<i>Vacanzas d'atun:</i> Cumenzament Fin	Sonda, ils 6 d'october 2029 Dumengia, ils 21 d'october 2029
<i>Vacanzas da Nadal:</i> Cumenzament Fin	Sonda, ils 22 da december 2029 Dumengia, ils 6 da schaner 2030

2. Per la regiun Moesano vegnan las datas che pertutgan ils onns da scola 2025/26 e 2026/27 fixadas cun ina disposiziun dal departament separada. Quellas datas sa basan sin las datas correspundentas dal chantun Tessin.
3. Las instituziuns ch'èn responsablas per la scola vegnan supplitgadas da fixar las vacanzas da sport e da primavaira en moda unitara entaifer la regiun. Ina coordinaziun regiunala facilitescha da fixar ils termins per ils examens d'admissiun a las scolas medias.
4. Communicaziun ad: Instituziuns ch'èn responsablas per la scola (autoritads da scola, direcziuns da scola); Instituziuns da la scola speziala; Scolas popularas privatas; Uffizi per la furmaziun media-superiura (per trametter vinavant a las scolas medias); Uffizi per la furmaziun professiunala (per trametter vinavant a las scolas professiunalas); Scola auta da pedagogia dal Grischun, Scalärastrasse 17, 7000 Cuira; Uffizi per la scola populara ed il sport.



Dr. Jon Domenic Parolini
cusseglier guvernativ